



Broj: 01/14-04-4114/26
Sarajevo, 19.06.2026. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH”, br. 12/03, 34/03 i 65/13), člana 45. i 46. Zakona o Pravobranilaštvu („Službene novine Kantona Sarajevo”, br. 33/08 – Novi prečišćeni tekst, 7/12, 44/16 i 45/21), člana 16. Odluke o osnivanju Pravobranilaštva Grada Sarajevo („Službene novine Kantona Sarajevo”, br. 20/10, 12/17, 41/21 i 47/24), člana 41. Statuta Grada Sarajeva („Službene novine Kantona Sarajevo”, broj 7/23) i člana 6. Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva („Službene novine Kantona Sarajevo”, br. 32/22 i 10/23), gradonačelnik Grada Sarajeva objavljuje:

JAVNI OGLAS ZA IZBOR I IMENOVANJE PRAVOBRANIOCA PRAVOBRANIŠTVA GRADA SARAJEVA

I - Naziv pozicije

Pravobranilac Pravobranilaštva Grada Sarajeva – 1 (jedan) izvršilac.

II - Opis poslova

1. Predstavlja Pravobranilaštvo, rukovodi njegovim radom i vrši prava i dužnosti utvrđene zakonom, drugim propisima i općim aktima;
2. Preduzima pravne radnje radi pravne zaštite imovine i imovinskih interesa pred sudovima i drugim organima, kao i u drugim slučajevima zaštite imovine i imovinskih interesa Grada kada je za to ovlašten zakonom i ima položaj stranke u postupku;
3. Preduzima pravne radnje radi pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač, odnosno suosnivač Grad, po zahtjevu osnivača, odnosno suosnivača;
4. Zastupa organe i pravna lica iz tačke 1. i 2. u svim sudskim i upravnim postupcima;
5. Daje pravna mišljenja prije zaključivanja ugovora imovinsko-pravnog karaktera;
6. Kontroliše zakonitosti zaključenih ugovora imovinsko-pravnog karaktera;





7. Daje pravna mišljenja u postupku donošenja općih akata kojima se uređuju imovinsko-pravni odnosi, prava i obaveze prema stvarima u vlasništvu Grada Sarajeva;
8. Obavlja i druge poslove utvrđene Zakonom o Pravobranilaštvu, Odlukom o osnivanju Pravobranilaštva Grada Sarajeva i drugim propisima.

III - Mandat

Pravobranilac se imenuje na period od četiri (4) godine i može biti ponovno imenovan.

IV - Opći uslovi

- a) da je državljanin Bosne i Hercegovine i Federacije Bosne i Hercegovine;
- b) da je stariji od 18 godina;
- c) da nije otpušten iz državne službe kao rezultata disciplinske mjere na bilo kojem nivou vlasti u Bosni i Hercegovini u periodu od tri godine prije dana objave upražnjene pozicije;
- d) da se na njega ne odnosi odredba člana IX. 1. Ustava Bosne i Hercegovine;
- e) da nije na funkciji u političkoj stranci.

V - Posebni uslovi

- a) da je diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja;
- b) da ima položen pravosudni ispit;
- c) da ima iskustvo u radu na imovinsko-pravnim poslovima u pravobranilaštvu ili pravosudnim organima ili drugim državnim organima ili preduzećima ili drugim pravnim licima u trajanju od najmanje tri godine, nakon položenog pravosudnog ispita;
- d) da posjeduje najviše moralne osobine za obavljanje službe pravobranilaštva.

VI - Poželjni uslovi

- da ima položen specijalistički ispit (sudijski ili advokatski ili notarski ispit);
- da ima dugogodišnje iskustvo u radu na imovinsko-pravnim poslovima u pravobranilaštvu ili pravosudnim organima ili drugim državnim organima ili preduzećima ili drugim pravnim licima;
- da je dobitnik najviših priznanja i nagrada visokoškolskih ustanova akreditovanih u Bosni i Hercegovini.

VII - Potrebna dokumentacija

Kandidati su dužni uz prijavu koja sadrži biografiju s kratkim i preciznim pregledom stručnog obrazovanja, profesionalnih aktivnosti i radnog iskustva, te adresu i kontakt telefon, priložiti originalne dokumente ili ovjerene kopije dokumenata ne starije od 6 mjeseci, i to:

- Uvjerenje o državljanstvu;



- Izvod iz matične knjige rođenih;
- CIPS prijava;
- Izjavu ovjerenu od strane nadležnog općinskog organa o ispunjavanju uslova pod c), d) i e) iz Općih uslova;
- Dokaz o stručnoj spremi (ovjerenu kopiju univerzitetske diplome);
- Uvjerenje o položenom pravosudnom ispitu;
- Uvjerenje ili potvrdu o radnom stažu;
- Uvjerenje ili potvrda poslodavca iz kojeg je vidljivo ispunjavanje posebnog uslova - da ima iskustvo u radu na imovinsko-pravnim poslovima u pravobranilaštvu ili pravosudnim organima ili drugim državnim organima ili preduzećima ili drugim pravnim licima u trajanju od najmanje tri godine, nakon položenog pravosudnog ispita;
- Druge opcionalne i relevantne isprave o ispunjavanju uslova.

Dokumentacija dostavljena uz prijavu neće se vraćati kandidatima kojim su se prijavili na Javni oglas.

Kandidat koji bude izabran na poziciju pravobranioca dužan je dostaviti uvjerenje da nije osuđivan za krivično djelo i za privredni prestup nespojiv sa dužnošću na koju se imenuje, da nije lice kojem je pravosnažnom presudom suda zabranjeno obavljanje aktivnosti na koju je imenovan, kao i da se protiv istog ne vodi krivični postupak.

VIII - Postupak izbora

Konkursnu proceduru za izbor i imenovanje pravobranioca Pravobranilaštva Grada Sarajeva provodi Komisija za izbor na poziciju pravobranioca (u daljnjem tekstu: Komisija), koju svojim rješenjem imenuje gradonačelnik Grada Sarajeva. Komisija će pregledati sve prijave koje stignu u propisanom roku. Na osnovu Odluke o standardima i kriterijima za imenovanje pravobranioca Pravobranilaštva Grada Sarajeva, kao i principa iz člana 3. Zakona o ministarskim, vladinim i drugim imenovanjima Federacije Bosne i Hercegovine, Komisija će sastaviti listu sa užim izborom najboljih kandidata koji ispunjavaju kriterije za imenovanje.

Ni jedan kandidat neće biti stavljen na listu s užim izborom ukoliko nije povoljno ocijenjen prema kriterijima za imenovanje. Komisija poziva sve kandidate sa liste sa užim izborom najboljih kandidata koji ispunjavaju kriterije za imenovanje na intervju. Kandidati su dužni prije intervjua Komisiji dati podatke o ranijim poslodavcima, odnosno neposrednim rukovodiocima od kojih se mogu dobiti preporuke i informacije o kandidatu, te popuniti obrazac u kome su dužni iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Nakon obavljenog intervjua, provedenog ocjenjivanja i na osnovu u potpunosti dokumentovanih odluka svakog člana Komisije, Komisija će putem pisane preporuke predložiti rang-listu sa najboljim kandidatima gradonačelniku Grada Sarajeva na daljnje razmatranje. Smatra se da je kandidat koji je prvi na rang listi i kojeg je preporučila većina članova Komisije, najuspješnije prošao otvorenu konkurenciju.



Prijedlog kandidata za imenovanje na poziciju pravobranioca, gradonačelnik Grada Sarajeva dostavlja Gradskom vijeću na razmatranje i odlučivanje.

Gradsko vijeće nakon razmatranja prijedloga imenovanja donosi odluku o konačnom imenovanju.

Kandidat kao zainteresovana strana ima pravo podnošenja prigovora na konačno imenovanje.

Prigovor se podnosi Gradskom vijeću Grada Sarajeva, a kopija dostavlja Ombudsmenu za ljudska prava Bosne i Hercegovine.

Kandidatima se ne dostavljaju pisane odbijenice.

Podnosioci prijava sa kojima se ne stupi u kontakt u roku od 8 dana od dana isteka roka za podnošenje prijava neće biti uzeti u razmatranje u daljnjem procesu imenovanja.

IX - Rok i način prijave

Rok za podnošenje prijava na Javni oglas je 15 dana od dana objavljivanja u „Službenim novinama Federacije“, a isti će biti objavljen i u dnevnim novinama, kao i na web stranici Grada Sarajeva.

Neblagovremene i nepotpune prijave neće se razmatrati.

Prijave sa traženom dokumentacijom podnose se u zatvorenoj koverti lično ili putem pošte na adresu:

Grad Sarajevo

Ćemaluša 9

71000 Sarajevo

**Sa naznakom: „PRIJAVA NA JAVNI OGLAS ZA IZBOR I IMENOVANJE
PRAVOBRANIOCA PRAVOBRANILAŠTVA GRADA SARAJEVA - NE
OTVARATI“**

GRADONAČELNIK

Samir Avdić, s.r.